

SUKAN MALAYSIA XXI SARAWAK 2024
PERATURAN PERTANDINGAN MEMANAH
(LELAKI & WANITA)

1.0 PENGENALAN

- 1.1 **Sukan Malaysia ‘SUKMA’** merupakan Temasya Sukan di bawah kendalian Kementerian Belia dan Sukan (KBS) melalui Majlis Sukan Negara (MSN) yang telah diwujudkan sejak tahun 1986. SUKMA merupakan satu pertandingan pelbagai jenis sukan (multi sports event) peringkat umur bawah 21 tahun yang dipertandingkan antara Negeri di Malaysia dan penyertaan hendaklah melalui Majlis Sukan Negeri / Wilayah Persekutuan.
- 1.2 Sarawak telah dipilih sebagai tuan rumah Temasya Sukan Malaysia bagi edisi ke-21 tahun 2024 melalui keputusan Mesyuarat Jawatankuasa Tertinggi Sukan Malaysia **Bil 8** pada **16 Mac 2023**. Ini merupakan penganjuran Sukan Malaysia kali ketiga di Sarawak selepas penganjuran pada tahun 1990 bagi edisi ke-3 dan 2016 bagi edisi ke-18.
- 1.3 Sukan Malaysia XXI Sarawak 2024 akan dianjurkan pada **17 hingga 24 Ogos 2024** melibatkan 9 Bahagian iaitu Kuching, Samarahan, Serian, Sri Aman, Betong, Sibu, Mukah, Bintulu dan Miri serta mempertandingkan 37 jenis sukan.
- 1.4 Penyertaan di Sukan Malaysia tertakluk kepada Peraturan Tetap Sukan Malaysia, Peraturan Am Sukan Malaysia 2024, Buku Peraturan Pertandingan Mengikut Sukan serta Peraturan Pertandingan Persatuan Sukan Kebangsaan dan Persekutuan Sukan Antarabangsa.

2.0 PERATURAN AM

- 2.1 Selain daripada peraturan dan syarat pengawalan teknikal yang terkandung, pertandingan ini akan dijalankan mengikut Peraturan Pertandingan **World Archery (WA)** serta **Persatuan Memanah Kebangsaan Malaysia (NAAM)** dan mematuhi Peraturan Sukan Malaysia.
- 2.2 Sekiranya timbul sebarang perselisihan dari segi pentafsirannya, maka undang-undang dalam Bahasa Inggeris akan dipatuhi.
- 2.3 Sebarang persoalan teknikal akan diputus berasaskan kepada Peraturan Pertandingan **World Archery (WA)**
- 2.4 Permasalahan di luar jangka dan tidak dinyatakan dalam Peraturan Pertandingan dan Peraturan Am akan diputuskan oleh **Jawatankuasa Khas Teknikal Sukan Malaysia XXI Sarawak 2024** dan segala keputusan yang dibuat adalah muktamad.

3.0 TARIKH PERTANDINGAN

- 3.1 Latihan Rasmi : **17 Ogos 2024**
- 3.2 Taklimat Pengurus Pasukan : **17 Ogos 2024**
- 3.3 Pertandingan : **18 – 23 Ogos 2024**

4.0 TEMPAT PERTANDINGAN

- 4.1 Lapangan Sasar Memanah, Petra Jaya.

5.0 ACARA YANG DIPERTANDINGKAN

Kategori Lelaki

Bil	Acara Recurve dan Compound
1.	Pusingan Kelayakan
2.	Perseorangan (Pusingan Penyingkiran)
3.	Berpasukan Campuran (Pusingan Penyingkiran)
4.	Berpasukan (Pusingan Penyingkiran)

Kategori Wanita

Bil	Acara Recurve dan Compound
1.	Pusingan Kelayakan
2.	Perseorangan (Pusingan Penyingkiran)
3.	Berpasukan (Pusingan Penyingkiran)

6.0 PENYERTAAN

- 6.1 Penyertaan adalah terbuka kepada semua Negeri. Penyertaan hendaklah dibuat melalui Majllis Sukan Negeri atau Wilayah Persekutuan masing-masing.
- 6.2 Setiap kontinjen Kontinjen dibenarkan menghantar satu pasukan seperti berikut:

PERANAN	LELAKI	WANITA
Pengurus Pasukan	1 orang	-
Pegawai	2 orang	2 orang
Peserta	8 orang	8 orang
JUMLAH	11 orang	10 orang

- 6.3 Setiap pasukan dibenarkan untuk mendaftarkan satu (1) peserta bagi setiap kategori.

7.0 KELAYAKAN PESERTA

- 7.1 Hanya Warganegara Malaysia yang layak bertanding bagi mewakili kontinjen Negeri atau wilayah persekutuan di Sukan Malaysia kecuali bagi Negara Brunei Darussalam sebagai peserta/pasukan jemputan.
- 7.2 Berumur di antara 16 hingga 21 tahun iaitu yang lahir pada tahun **1 Januari 2003 hingga 31 Disember 2008** sahaja yang layak didaftarkan oleh sesuatu pasukan.

- 7.3 Semua pasukan hendaklah menggunakan sistem pendaftaran sekurang-kurangnya 6 bulan (180 hari) sebelum perasmian dengan borang pendaftaran yang lengkap dengan gambar dan bertandatangan beserta salinan kad pengenalan mengikut **Peraturan Am Perkara 4.8 dan telah menjelaskan yuran pendaftaran sebanyak RM 200.00 seorang mengikut Peraturan Am Perkara 6.2.**
- 7.4 Selepas Mesyuarat Pendaftaran Delegasi (DRM) penggantian tidak lagi dibenarkan kecuali bagi kes-kes kecederaan dan mendapat kelulusan Pengerusi Jawatankuasa Khas Teknikal mengikut **Peraturan Am Perkara 6.3.** Borang permohonan pertukaran mestilah disertakan bersama laporan perubatan daripada hospital kerajaan dan diserahkan kepada Urusetia Tetap Sukan Malaysia selewat-lewatnya sehari sebelum Taklimat pengurus pasukan. Penggantian atlet hanya dibenarkan dari senarai panjang yang telah didaftarkan pada **16 Februari 2024.**
- 7.5 Tiada sebarang pertukaran ATLET dan ACARA boleh dibuat semasa dan selepas Taklimat Pengurus Pasukan.
- 7.6 Kelayakan atlet kebangsaan adalah merujuk kepada **Peraturan Am Perkara 4.6, SUKAN MALAYSIAXX, MSN 2022.**
- 7.7 Taraf pemastautin peserta adalah tertakluk kepada **Peraturan Am Perkara 21.5.**

8.0 TAKLIMAT PENGURUS PASUKAN

- 8.1 Taklimat Pengurus Pasukan akan diadakan satu (1) hari sebelum pertandingan pertama dijalankan iaitu pada 17 Ogos 2024. Tempat akan dimaklumkan kemudian.

8.2 Taklimat Pengurus Pasukan hanya akan melibatkan perkara seperti berikut:-

8.2.1 Peraturan Pertandingan

8.2.2 Jadual Pertandingan

8.2.3 Senarai nama akhir

8.2.4 Undian

8.2.5 Etika pemakaian

8.3 Senarai peserta yang disahkan semasa Taklimat Pengurus Pasukan adalah muktamad.

9.0 PAKAIAN

9.1 Setiap peserta hendaklah mematuhi tatacara pemakaian mengikut peraturan (World Archery)

10.0 PENGGUNAAN DADAH

10.1 Menggunakan sebarang dadah, alkohol, ubat perangsang atau suntikan ke dalam bahagian badan sama ada sebelum atau ketika pertandingan, kepada atau oleh peserta adalah dilarang sama sekali.

10.2 Ujian doping dan ujian breathalyser untuk alkohol akan dijalankan secara rambang ke atas atlet semasa Sukan Malaysia dikelolakan.

10.3 Setiap peserta yang melanggar undang-undang akan dibatalkan penyertaan di Sukan Malaysia.

11.0 SISTEM PERTANDINGAN

11.1 Pertandingan menggunakan Peraturan World Archery (WA)

Recurve		Compound
70m Round 6 ends (6 arrow/end) x 2 Target Face 122cm	Pusingan Kelayakan	50m Round 6 ends (6 arrow/end) x 2 Target Face 80cm (6 rings)

Jarak 70m Target Face 122cm 5 sets (3 arrow/set) Set system	Pusingan Penyingkiran Individu	Jarak 50m Target Face 80cm (6 rings) 5 ends (3 arrow/end) Cumulative scoring
Jarak 70m Target Face 122cm 4 sets (6 arrow/set) Set system	Pusingan Penyingkiran Berpasukan	Jarak 50m Target Face 80cm (6 rings) 4 ends (6 arrow/end) Cumulative scoring
Jarak 70m Target Face 122cm 4 sets (4 arrow/set) Set system	Pusingan Penyingkiran Berpasukan Campuran	Jarak 50m Target Face 80cm (6 rings) 4 ends (4 arrow/end) Cumulative scoring

11.2 Untuk menentukan pemenang pingat pusingan kelayakan, "Shoot-off" akan diadakan jika terdapat keputusan seri (selepas mengambil kira susunan berikut iaitu skor; bilangan X+10; bilangan X).

11.3 MASA MELAPORKAN DIRI

11.3.1 Setiap pasukan dikehendaki melaporkan diri di stesen pemeriksaan peralatan pertandingan (Equipment's Inspection) pada hari latihan rasmi mengikut jadual yang ditetapkan.

12.0 PEGAWAI TEKNIKAL PERTANDINGAN

- 12.1 Jawatankuasa Khas Teknikal akan melantik Ketua Delegat Teknikal dan Pegawai-pegawai Teknikal setelah berunding dengan PMKM tertakluk kepada **Peraturan Am Perkara 14.1**.
- 12.2 Komposisi pegawai pertandingan bagi setiap acara yang dijalankan mengikut Peraturan Pertandingan World Archery.

13.0 BANTAHAN

- 13.1. Hanya Pengurus Pasukan sahaja dibenarkan membuat bantahan dan dibuat secara bertulis kepada Ketua Hakim dengan disertakan wang bantahan sebanyak RM 300.00 tunai dalam tempoh 5 minit selepas tamat sesuatu acara.
- 13.2. Wang bantahan akan lupus jika bantahan yang dikemukakan itu didapati tidak wajar.

14.0 JAWATANKUASA BANTAHAN

- 14.1 Pelantikan Jawatankuasa Bantahan dan prosedur aturcara mesyuarat yang digunakan oleh Persatuan Memanah Malaysia (NAAM) adalah seperti berikut:
 - 14.1.1 Ketua Delegat Teknikal
 - 14.1.2 Ketua Juri
 - 14.1.3 2 orang juri

- 14.2 Jawatankuasa Bantahan akan bersidang dan akan membuat keputusan dalam masa (1) jam setelah menerima bantahan.
- 14.3 Jawatankuasa Bantahan berhak mendapatkan sebarang maklumat dari mana-mana pihak yang berkaitan dengan perkara yang dibincangkan untuk membuat sesuatu keputusan.
- 14.4. Semua keputusan yang dibuat oleh Jawatankuasa bantahan Memanah SUKAN MALAYSIA XXI SARAWAK 2024 adalah muktamad.

15.0 HADIAH-HADIAH

- 15.1 Pingat-pingat kemenangan akan disediakan seperti berikut :-

Kategori Lelaki

Bil	Acara	Kategori Recurve			Kategori Compound		
		Emas	Perak	Gangsa	Emas	Perak	Gangsa
1.	Pusingan Kelayakan	1	1	1	1	1	1
2.	Perseorangan (Pusingan Penyingkiran)	1	1	1	1	1	1
3.	Berpasukan Campuran (Pusingan Penyingkiran)	1(2)	1(2)	1(2)	1(2)	1(2)	1(2)
4.	Berpasukan (Pusingan Penyingkiran)	1(3)	1(3)	1(3)	1(3)	1(3)	1(3)
Jumlah		4(7)	4(7)	4(7)	4(7)	4(7)	4(7)

Kategori Wanita

Bil	Acara	Kategori Recurve			Kategori Compound		
		Emas	Perak	Gangsa	Emas	Perak	Gangsa
1.	Pusingan Kelayakan	1	1	1	1	1	1
2.	Perseorangan (Pusingan Penyingkiran)	1	1	1	1	1	1
3.	Berpasukan (Pusingan Penyingkiran)	1(3)	1(3)	1(3)	1(3)	1(3)	1(3)
Jumlah		3(5)	3(5)	3(5)	3(5)	3(5)	3(5)

15.2. Pemberian pingat-pingat kemenangan adalah tertakluk kepada Peraturan
Tetap Perkara 15.

Disediakan Oleh :

Jawatankuasa Khas Teknikal

SUKAN MALAYSIA XXI SARAWAK 2024